



## Universitätsbibliothek Paderborn

### **Qvæstiones Morales Selectiores De Lege Interna Et Externa**

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

De Lege Externa

**Beati, Gabriele**

**Augustæ Vindelicorum, 1729**

**VD18 80376800**

29 An lex irregularitatis, se extendat ad mandantem homicidium, si mandatarius occidatur.

**urn:nbn:de:hbz:466:1-39888**

## QVAESTIO XXIX.

*An Lex Irregularitatis, se extendat ad mandantem homicidium, si Mandatarius occidatur.*

## CASVS.

**T**ITIVS Cæsari mandauerat, vt Pompeium occideret. Accidit tamen, vt, dum Cæsar tormentum igneum contra Pompeium explodere tentabat, Pompeius illum præuenerit, ac occiderit. Quæritur; Vtrum Titius in irregularitatem inciderit.

## SVMMARIVM.

- 2 Titius in irregularitatem incidisse non videtur.
- 3 Non incidit, neque ex homicidio voluntario, neque ex casuali.
- 4 Sicut Medicus, ex morte Infirmi non fit irregularis.
- 5 Iura, de hoc casu non loquuntur.
- 6 Titius, non fuit causa mortis Mandatarij.
- 7 Sicut qui Furi consulit furtum non propterea eius morti cooperatur.
- 8 Probabilius tamen est, Titius in irregularitatem incuruisse.
- 9 Suo Mandato fuit causa, vt Mandatarius mortis periculo exponeretur.
- 10 Sicut, si illi consuluisset, vt se occideret.
- 11 Et sicut, ipse Mandatarius, illi periculo se exponendo, peccauit.
- 12 Et sicut consulens alteri transitum per viam periculosa.
- 13 Mors Mandatarij, imputatur Titio tanquam Cause.
- 14 Medicamenta, non constituant Infir-  
mum in mortis periculo,

- 15 Titius factus est irregularis, quatenus suo mandato fuit occasio mortis Mandatarij.
- 16 Verè fuit causa iniusta illius mortis.
- 17 Furtum non est actio, mortis periculum ex se afferens.
- 18 Et si afferret, etiam Consulens furtum fieret irregularis.
- 19 Dans operam actioni periculose homicidijs, fit irregularis,

## RATIONES DVEITANDI.

**L**Egis, præsertim pœnalis, extensio, ex quibusdam casibus ad irregularitatem spectantibus, clariss adhuc innoscet. Lex enim irregularitatis, extender se non videtur ad Mandantem homicidium, si Mandatarius occidatur; Vnde nec Titius in irregularitatem incidisse videtur. Vasquez l. 2. disp. 100. num. 45. Henrig. lib. 14. cap. 16. Gaspar. Hurtado d. 2. de irreg. d. ff. 6. num. 22.

Primò; Quia neque in irregularitatem  
incidit ex homicidio voluntario, neque ex  
casuali: non ex voluntario, quia non habuit  
expressam voluntatem, vt Cæsar in eâ oc-  
casione constitutus, occideretur, vt sup-  
pono.

T 2

**peno.** Neque ex casuali , quia eius mandatum non dirigebatur , nec tendebat ad occisionem ipsius Cæsar , sed Pompeij; neque Titius Cæsari mandauit , vt seipsum occideret , aut occideretur ab alio. Ergo irregularitas contra mandantes homicidium lata , ad Titium se extenderet non potuit , nisi Pompeio occiso; Huius enim homicidium , fuit obiectum , ac terminus mandati.

**4 Secundò;** Quia quamvis Infirmus , ex medicamentis alijs probabilibus , à Medico , vel Chirurgo datis , casu moriatur , non propterea Medicus , aut Chirurgus irregularitatem incurrit. Ergo similiter , quamvis Cæsar , occasione mandati habiti ad Pompeium occidendum , fuerit occisus , non propterea Titius mandans , vllam irregularitatem incurrit ; ideo enim Medicus , & Chirurgus irregularitatem ex Infirmi morte non contrahunt , quia medicamenta illi data , ex se tendebant potius ad eius conseruationem , quam ad mortem. Sed etiam mandatum à Titio Cæsari datum ad Pompeium occidendum tendebat potius in bonum ipsius Cæsaris , quam in mortem ; illi enim erat lucrum . Ergo etiam Titius ex Cæsaris morte , nullam irregularitatem incurrit.

**5 Tertio;** Quia Iura , dum homicidium Mandanti , irregularitatem imponunt , loquuntur de eo , qui dat mandatum ad alium occidendum , si alius occidatur , non vero de eo , qui indirectè mandat vt quis mortis periculo se exponat. Titius autem ad summum Cæsari mandauit , vt mortis periculo se exponeret.

**6 Quartò;** Quia , vt quis , propter homicidium , irregularitatem incurrit ex delicto , necessario requiritur , vt sit cau-

la iniusta illius homicidij , requiritur enim culpa mortal is ; sed Titius , esse non potuit causa iniusta homicidij Cæsaris , sicut fuisse Pompeij , si hic à Cæsare fuisse occisus ; Tum quia mandatum erat de morte Cæsaris ; Tum quia volenti , & consentienti non fit iniuria , Cæsar autem , libens , & volens , hoc mandatum acceptauit. Ergo ex Cæsaris morte , irregularitatem incurrere non potuit.

**Quintò;** Quia , qui Furi consulit furum , quamvis prævideat imminere periculum , ne propter illud à Iudice comprehendatur , ac morte damnetur , non tamen propterea irregularitatem incurrit , si forte Fur à Iudice comprehendatur , & occidatur ; Quia ad illam mortem non concurrit , nec vt publicus minister , neque per vllum actum iniustitia contra Furem ; Illi enim furtum consulendo , nullam fecit iniuriam . Ergo similiter Titius mandans Cæsari homicidium Pompeij , quamvis præviderit , aliquid inde periculum ipsi Cæsari imminere , non propterea irregularitatem incurrit , illius enim mortis nullo modo fuit causa iniusta.

### RESOLV TIO.

**R**Espondet tamen , Titium probabilitus irregularitatem incurrisse. *Natur. c. 27. n 233. Suarez disp. 44 sect. 3. num. 18. Coninch. disp. 18. dub. 8. n. 47. Aulapar. 7. disp. 6. sect. 2. dub. 5. concl. 4. Castrop. de cens. disp. 16. pun. 15. §. 2. n. 15. & alij apud istos.*

**P**rimò ; Quia Titius suo mandato fructu causa voluntaria , vt Cæsar in eo periculo constitueretur , & à Pompeio occideretur . Ergo irregularitatem incurrit , non

non quatenus formaliter mandans homicidium, sed quatenus suo mandato fuit causa periculi, ac mortis ipsius Cæsar.

<sup>10</sup> Secundò; Quia consulens alteri, ut se occidat, secuta morte, est irregularis, quia suo consilio vere fuit homicida; Quamvis enim proximè injuriam non intulerit ei, qui consilium accepit, quia volenti, & consentienti non sit iniuria, iniuriam tamen intulit ei, qui erat Dominus vita illius; V. gr. Deo, vel Republicæ. Ergo etiam Consulens, ut mortis periculo se exponeret, secuta morte, factus est irregularis. In moralibus enim, idem est, facere, ac morali faciendi periculo se expone e.

Cum ergo Titius, suo mandato, Cæsarem morali mortis periculo exposuerit, eius morte secuta, irregularitatem contraxit. Cum enim, suo mandato, fuerit causa iniusta illius periculi, censetur etiam fuisse causa iniusta mortis inde secutæ.

<sup>11</sup> Tertiò; Quia ipse Cæsar, mortis periculo se exponendo, vere peccauit contra iustitiam; abusus enim est vita sua, cuius ipse non erat Dominus; ideoque vere fuit sui ipsius homicida. Ergo à fortiori peccauit Titius, suo mandato, illum in proximo mortis periculo, aec occasione constituendo, ideo vere; suo mandato, fuit illius homicida; Vnde consequenter irregularitatem incurrit.

<sup>12</sup> Quartò; Quia dans alteri consilium transeundi per viam, in qua nouit esse eius inimicos, illi insidias tendentes, si ab eis occidatur, censetur causa moralis illius mortis, ac irregularitatem incurrit. Ergo etiam Titius, mandans Cæ-

sari homicidium, si ipse Cæsar occidatur, censendus erit causa moralis illius mortis, & irregularitatem incurret. Ideo enim consulens censetur causa moralis homicidij secuti, quia suo consilio eum, cui consilium dedit, probabili mortis periculo exposuit. Sed etiam Titius suo mandato, Cæsarem in simili periculo constituit. Ergo si consulens censendus est causa moralis homicidij secuti, etiam Titius censendus erit causa moralis homicidij Cæsar.

### OBIECTIONVM SOLVTIO.

**N**eque obstant rationes in contrarii. <sup>13</sup> Num. Ad primam enim respondeatur. Titium, irregularitatem incurrisse ex homicidio casuali, quatenus Cæsarem probabili mortis periculo exposuit; Vnde illi, Cæsar's mors imputatur, tanquam cause; Causa enim periculi, censetur etiam causa eorum, quæ sequuntur ex tali periculo.

Ad secundam est evidens disparitas; <sup>14</sup> Nam medicamenta non sunt ex se constitutiva infirmi in mortis periculo, sed potius in via ad sanitatem. Ad mandatum Cæsari datum, illum constituit in probabili mortis periculo. Hinc autem fit, ut Titius volens tale periculum, censeatur etiam indirecte saltem, ac implicite voluntate omnia, quæ ex tali periculo secuta sunt, & consequenter mortem ipsius Cæsar.

Ad tertiam respondetur: Titium ir <sup>15</sup> regularitatem non incurrisse, quatenus fuit formaliter mandans, sed quatenus suo mandato fuit occasio, & causa,

ut Cæsar temere mortis periculo se exponeret, & consequenter, quatenus fuit causa saltem indirecta mortis ipsius Cæsaris, de qua alibi iura loquuntur.

**16** Ad quartam respondetur; Titium vere fuisse causam iniustam homicidij Cæsaris; illum enim mortis periculo exponendo, peccauit contra iustitiam, saltem respectu illius; qui erat Dominus vita illius, V. gr. respectu Reipublicæ; siveque fuit causa iniusta illius mortis.

**17** Ad quintam respondetur primo; Furtum, ex se, non esse actionem adeo periculosam comprehensionis, & condemnationis, sicut est periculosa, intentatio mortis alterius; Non enim tam frequenter comprehenduntur Fures; Vnde, cum comprehenditur aliquis, censetur per accidens tantum comprehendi, ex aliqua alia circumstantia, & non ex natura ipsius furti. At, cum quis alterius mortem intentans, occiditur, non censetur occidi per accidens, ex aliqua alia circumstantia superueniente, sed ex natura ipsius intentionis. Hoc enim secum habet annexum hoc periculum.

Respondetur secundo; Etiam consilium **18** furti, si furtum fuit præuisum, ut periculorum condemnationis, fuisse causam

iniustam mortis Furis, ideoque Consulentem, irregularitatem incurrisse. Fur enim ius habebat, ne illi hoc consilium daretum cum præuisione talis periculi; Et dare illi consilium furandi, in talibus circumstantijs fuit, illum probabili mortis periculo exponere; quod sine graui peccato iniustizæ, fieri non potuit.

#### COROLLARIUM.

**C**olligitur ex dictis; Quando aliquis **19** actio est de se periculosa, & homicidij causatiua, eum, qui tali actioni dat operam, irregularitatem contrahere, si mors sequatur; quia exercens opus de se periculorum, voluntariè periculum amplectitur; Ei autem, qui alicui periculo voluntariè se exponit, adscribitur effectus inde secutus tanquam voluntarius indirecte, & in causâ. Vnde, qui alicui iniurias, illi ab alio illatas retulit, si propterea iniurijs affectus illum occidat, irregularitatem incurrit, quia iniurias referendo, eum mortis periculo exposuit, ideoque ei imputatur morsinde secuta tanquam causæ.

\* \*



QVAE-